



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

González Téllez, Emanuel

Francofurti Ad Moenum, 1690

Caput IX. Idem a Archipresbytero sancti Andreæ de Pollian.

[urn:nbn:de:hbz:466:1-74544](https://nbn-resolving.org/urn:nbn:de:hbz:466:1-74544)

Tandem sciendum est, uniones ritè celebratas revocari certis ex causis, veluti quando per unionem tollitur hospitalitas, vel sit dissolutio religionis, *c. novit, ne Sede vacante*, vel si cessat causa, propter quam unio facta fuit, veluti paupertas Ecclesiarum, *c. cum M. de conslit.* si incipiat esse damnosa Ecclesiis, argumento capituli *suggestum, de decimis*: latè probat Zypæus *ad hunc tit. conslit. 8. & 9. & resp. 3.* aliaque plura de his unionibus congesserunt Barbosa *dist. alleg. 66.* Fragofo *dist. §. 6.* & quomodo unio probetur, prosequitur Rora apud Pennam *tom. 1. decif. 337. & 441.*

6.
Tradi-
tur ra-
tio deci-
dendi.

Quibus ita animadversis ratio præsentis assertionis ex eo provenit, nam cum Pontifex habeat plenam dispositionem in Ecclesiis universi orbis, *c. decimas, ad finem*, *cap. & temporis 16 q. 1. cap. de præb. in 6. Clement. 1. ut lite pendente*; idè potest dicere: eses, & omnes Ecclesias, ac beneficia unire, ut etiam potest Imperator ex duabus provinciis unam facere, aut diversa officia unire. *Novella 8 & 24. usque ad 29. & civitatum*, ac populorum, qui in unum coierunt, exempla reperiuntur in antiquis monumentis, veluti Albæ, atque Romæ apud Livium: & extat elegans descriptio apud Ovidium *lib. 6. Fastor.*

Hac ubi narravit, Tacitum, sortemque Quirinum,

Binaque cum populis regna coisse suis.

Et lare communi socios, generosque receptos,

His nomen junctis lunius, inquit, habet.

Probant Gentilis *disput. 2. de unione Regnorum*, Zipeus *contra hiarum Cassani, cap. 12 & 13.* Similiter quia Episcopus habet plenam dispositionem Ecclesiarum suæ diocesis, *c. Sanctorum 70. dist. c. unaqueque 9. q. 3. cap. regenda 10. quest. 1.* idè etiam potest eas unire. Non sunt tamen uniones temerè

faciendæ, præcipuè si per eas minuatur cultus divinus, & redditus, qui pluribus Ecclesiis sufficerent, ad unam revocetur, *cap. final. de P. S.* quare in Concilio Trident. *sess. 7. de reform. cap. 6.* statuitur, ut uniones perpetuæ à quadraginta annis citra factæ examinentur ab Ordinariis, tanquam à Sede Apostolica delegatis; & quæ per subreptionem, aut obreptionem factæ reperientur, irritæ declarentur; & idè tales uniones semper odiosæ judicantur, ut pluribus relatis probat Velasco *de priv. paup. part. 1. quest. 12.*

Nec obstant difficultates supra adductæ, nam licet juxta communem sententiam, respectu proventuum Ecclesiarum ipsarum usufructuarii creantur; tamen Pontifex in universo orbe, & quilibet Episcopus in sua diocesi plenam jurisdictionem habent. Unde ob eam amplam jurisdictionem possunt Ecclesias ipsas unire ex justis causis; & ita facere, ut unus Rector præsit duabus Ecclesiis unitis. Nec obstat secunda difficultas deducta ex dicto canone Concilii African. exemploque sancti Medardi: nam id procedebat antequam Sedes Apostolica sibi reservaret unionem Ecclesiarum, tanquam unam ex majoribus causis. Nec obstat augmentum ipsius difficultatis; nam præsens assertio procedit in Ecclesiis, quæ spectant ad liberam collationem Episcopii, non verò in eis, quæ sunt juris patronatus; quia tunc desideratur consensus ipsius Patroni, sive tale jus sit ecclesiasticum, sive seculare. *Clement. unic. §. ad hec, de statu monach. Trident. sess. 24. de reform. cap. 15.* Licet si unio fiat à Legato à latere, & jus patronatus sit ecclesiasticum, non desideretur Patroni consensus, *cap. cum dilectus, de jur. patron. post Gambaram & Lambertinum probat Barbosa de jure eccles. lib. 3. cap. 16. num. 50.*

7.
Difficul-
tantur
difficul-
tates.

CAPUT IX.

Idem a Archipresbytero sancti Andreae de Pollian.

QUAM sit gravè crimen in clericis b gloriari cum malefecerint, & in rebus pessimis exultare, nullus sanæ mentis ignorat. Accepimus sanè, quod non sine dolore referimus, quod cum R. de Sertone R. filiam suam cuidam I. nomine tradiderit in uxorem, P. diaconus Ecclesiæ sancti Petri, c filius autem sacerdotis, non erubuit publicè profiteri, se prædictam foeminam carnaliter cognovisse. Unde factum est, quod prædictus vir ad propria eam remitteret, cui fuerat matrimonialiter copulata. Quapropter tibi per Ap. f. m. quat. si tibi constiterit de præmissis, sine omni contradictione, ap. cess. præstatum clericum ab officio, & beneficio d suspendere non postponas, compellens virum ut uxorem suam recipiat, eique, sicut justum est, officium exhibeat maritale.

NOTÆ.

1. a **A**rchipresbytero.] Ita etiam legitur in tertia collectione, *sub hoc tit. cap. 2.* in epistolis verò hujus Pontificis editis à Sirleto, *fol. 67* legitur Archiepiscopo: sed retinenda est vulgaris inscriptio, quæ habet Archipresbytero; ut etiam legitur in indice ipsius registri correcti à Sirleto; nam si Archiepiscopo sancti Andreae, qui est in Scotia, scriberet Innocentius, non adderet ea verba de Pollian. unde cognoscitur, in præsentis scribere Innocentium Archipresbytero villæ, seu loci de Pollian.
2. b **Gloriari.**] Quia ut ait D. Isidorus *lib. 2. de summo bono, cap. 39.* Ad comparationem mali sit deterris, quando non solum flagitia committuntur, sed

etiam de ipsis flagitiis vanitate laudis perdiri extolluntur Plura de jactantiæ vicio Beyerlinch *tom. 4. in teatro, verbo Jactantia.*

c **Filius A. sacerdotis.**] Ante sacerdotium genitus; nam aliàs ex defectu natalium irregularis esset, juxta tradita in *cap. 1. de fil. presby.*

d **Suspendere.**] Sed cum hæc concessio esset tantum extrajudicialis, seu potius jactantia, quomodo solum propter eam suspensio imponi potuit? Quam difficultatem agnovērunt, & variè dissolvere curarunt Cantera in *quest. crimin. cap. 2. de probat. per test. quest. 1. num. 11.* Carena de offic. Inquisit. *part. 2. tit. 12. ex num. 259.* Balboa in *cap. 4. num. 36. de judicis.* Sed veram hujus textus interpretationem dedi in *cap. 2. de confessis.*

CAPUT